

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Icones sive imagines virorum literis illustrium

Reusner, Nikolaus

Argentorati, 1587

Librariis lectori

[urn:nbn:de:bsz:31-271751](#)

LIBRARIUS LECTORI

S.

EN accipe, Benigne Lector, Centuriam unam
Iconum & Elogiorum , aliquot demortuorum
clarorum virorum, qui literis & ingenij monumen-
tis illustres, Germanie præsertim nostræ inclarue-
runt : quibus etiam intermixtos videbis nonnul-
los sectarum invidioso studio celebres : in quibus
omnibus maximè fuit nobis propositum: ne vel ca-
lumniosè, vel contumeliosè in quenquam dictum
aliquid apponeretur : ex quo ulli mortalium ali-
qua inde crearetur offendio. Neque enim de reli-
gionis potissimum controversijs intempestiuè iu-
dicum ferre , huius loci aut temporis esse putavi:
de his iudicent alij, ad quos ea res pertinet.

Spero autem vel planè potius confido: operam
hanc nostram omnibus bonis & literarum amanti-
bus non displicituram: & quia præter mortuorum
Icones aliquot, adhuc domi magnam habeo copiā
multorum præclarorum hominum , qui in vivis
sunt, effigies: quas proximā æstate in lucem , Deo
volente, editurus sum: equidem arbitror futurum,
ut multi, quibus hic noster labor probabitur, missis
alijs quoque saltem eorum veris imaginibus , quos
hanc laudem mereri existimaverint, conatū hunc
qualemcumque nostrum adiuvare & promovere
non graventur. Vale optime Lector, & fruere.